



UNIVERSITÄTS-
BIBLIOTHEK
PADERBORN

Universitätsbibliothek Paderborn

Microsynodus Norinbergen.

Mosham, Ruprecht von

[Köln]

VD16 M 6434

Argumentvm in Ea Qvae Svbnectuntur, et præsertim in epistolam Osiandri
& Ecclesiastarum Norinbergen. ...

urn:nbn:de:hbz:466:1-36760

ARGV MENE

TVM IN EA QVAE SVBNE-

ctuntur, et præsertim in epistolam

Osiandri & Ecclesiarum

Norinbergen.

qua libellis & scriptis Decani Patauien.

Norinbergæ relictis & exhibitis, &

superius adductis respondent,

per eundem autorem

exaratum.



Actenus, candidissime lector,
non absq; fructu opinor audisti,
quæ summo pietatis & uerita-
tis studio, atq; Lutherismi cor-
rigendi & emendandi gratia
per admonitionem & correcti-
onem fraternam, ecclesiasticis Norinbergen. quatuor,
ueluti quatuor Lutheranae sectæ, in clarissima repu-
quæ tanq; specula alijs proposita esse debet, pseudoeu-
angelistis & ministris Antichristi & meretricis ma-
gnæ, in ecclesia nostri seculi spiritualiter & subtiliter
contra uerbum dei & Christi Iesu fornicantis, reliqui-
mus & exhibuimus. Nunc breuiter & patietèr quid

ARGVMENTVM IN

aduersarij illi, non mei quidem, sed Christi Iesu, illi
 usq; diuini uerbi, respondeant audias rogo, & q̄ mi-
 ro & inaudito astu, plane diabolico, atq; omni genere
 mendaciorum, (quod Antichristi & fornicariae illi
 us meretricis maxime proprium est) clarissimum ho-
 men uerbi quod Christus est, obscurare atq; adeo si fi-
 eri possit, & quantum in illis est eradicare: et ut olim
 Iudaei Christum occiderunt carnaliter, sic illi in uer-
 bo æterno Christum spiritualiter iugulare & interi-
 mere conentur, ne quoquo modo illorum impij et sacrile-
 gi errores, nempe Antichristus ille Lutheranus,
 non Romanus, Meretrix illa in figura lucis & ueritatis,
 Vitenbergensis, non Romanensis, orbis chri-
 stiano hactenus incognita, pate fiat atque reuelentur.
 Et q̄ grauius in deum, deiq; uerbum, & rempu-
 blicam falso & impio dogmate peccarint, aliquando
 in lucem prodeat atq; manifestetur. Eapropter in
 ueritate uerbi, quod Christus ipse est, magnopere
 hortor atq; obtestor, ut omnia q̄ diligentissime con-
 sideres, perpēdas, atq; iudicium prorsus suspendas, ne
 temere quicquam iudices, quousq; quid impijs & pla-
 antichristianicis ministris et præconibus satanae men-
 daciorum omniū autoris, respondeatur, recte & per-
 fecte intelligas. Tum enim tēpus est ut iudices, ut de-

EPISTOLAM OSIANDRI.

cernas atq; pronuncies. Inciuile enim est, ut Celsus in
reconsultus inquit, nisi tota lege & causa perspecta,
una aliqua eius parte proposita, respondere uel iudi-
care. Curauimus enim certioris iudicij & ueritatis il-
lustrandæ gratia, epistolam illam aduersariorum no-
strorum, typis excudere, & hic unâ adnectere, & qui-
dem ulro & sponte, non expectantes donec ab illis
ipsis autoribus in lucem prodiret, nihil lucem et iudici-
um mortalium & christifidelium omnium reformidan-
tes, sed ut ex collatione ueluti purpura iuxta purpurâ
posita, & ad ea quæ uirtute uerbi dei respondentur
collata, rectius & pfectius causa tota iudicari possit.
Et ut cuilibet Christifidelium perspicere facile sit,
Christum in uerbo suo à ministris Antichristi fla-
gellari, crucifigi & occidi. Ea de causa epistolæ
Osiandrinæ titulum fecimus,

SPIRITUALIS CRUX CHRISTI ET
PASSIO VNITRINI VERBI.

Præterea ut intelligat orbis Christianus totus ma-
gna & singulari clementia dei, & præter omniū mor-
talium expectationem, effulsisse tandem aliquando
caelitus eam claritatem & illustrationem nominis et
uerbi dei, qua filius ille perditus, Antichristus, ad-
uersarius dei, q iuxta Danielē magnificabitur aduer-

ARGVMENTVM IN

sus omnem deum, & aduersus deum deorum, loquetur
 magnifica, & dirigetur donec compleatur iracundia.
 Et ut Apostolus inquit. ij. Thess. ij. qui effertur ad-
 uersus omnem qui dicitur deus, aut numen: adeo, ut in
 templo dei sedeat, ostentans seipsum esse deum, donec
 e medio tollatur, & tunc patefiet iniquus ille, quē do-
 minus interficiet spiritu oris sui, & destruet illustra-
 tione & claritate aduentus sui, cuius est aduentus se-
 cundum operationem satanae, cum omni potentia &
 signis ac prodigijs mendacibus, cum omni deceptione
 iniustitiae, in his qui pereunt, pro eo quod charitate
 ritatis non receperunt in hoc ut salui fierent. Et pro-
 pterea mittet illis deus efficaciam illusionis & erro-
 ris, ut credant mendacio, ut iudicentur omnes qui non
 crediderunt ueritati, sed approbauerunt iniustitiam,
 & consenserunt iniquitati. Haec uerba Apostoli au-
 tiqua & graeca translatione diligēter collata & ex-
 plicata, placuit adscribere, ut idolum illud magnum et
 Antichristum in ecclesia dei, tam Romana quā Lu-
 therana sedentem & regentem, ueluti in tabella depi-
 ctum spectare, non solum legere & animo comprehen-
 dere possis. Videbis enim, christiane lector, ecclesiarum
 istas illos quatuor ueluti praecones non uerbi ueritatis,
 sed mendacij: non unitatis, sed Babel, diuersitatis, con-

EPISTOLAM OSIANDRI.

fusionis & erroris, adeo ad hoc Apostoli uaticinium
 de aduentu Antichristi Lutheranum suum spiritua-
 lem illum Antichristum & meretricem magnam cō-
 tra clarum uerbum dei fornicantem expressisse, ut ni-
 bil potuisset clarius & manifestius, ut plane sperem,
 Martinum Luth. ueritate & claritate uerbi uictum,
 (quāuis maxime suspectum in hac causa iudicem) pro-
 me contra ecclesiastas illos impios pronunciatum,
 adeo enim expresserunt operationem satanae cū omni
 potentia, signa & prodigia, & uera portenta menda-
 ciorum cum omni deceptione iniustitiae & efficacia il-
 lusionis, eo quod charitatem ueritatis non receperunt,
 hoc est, uerbi dei & fidei, à qua Lutherani charitatem
 impie & crudeliter separarunt, & charitas est quae est
 consummatio, plenitudo, & finis legis, propter quam
 omnia à deo constituta sunt, non iustificare docue-
 runt, sed solam monacham illorum fidem, ut hoc diuino
 Pauli oraculo, merito omnes iudicandi ueniāt, quia nō
 crediderunt ueritati, sed approbauerunt iniustitiam,
 & uerbi iniquitatem & mendacium. Vt nunc tandem
 Christus adueniens per claritatem & illustrationē
 nominis & uerbi sui Antichristum aboleat, iugulet
 atq; interficiat. In hoc enim excitatus est Pharaō ille
 totius orbis, rex ille impudēs facie, *Ἐπισημῶν προσηλύματα,*

ARGUMENTVM.

ut Daniel appellat, ut Christus ostendat in eo potentiam suam, & ut annuncietur nomen Christi (postquam Antichristus gladio spiritus iugulatus fuerit) in tota terra. Nam quemadmodum deus Israel ille magnus & terribilis olim dixit Pharaoni Aegypti, quae figura & typus est totius orbis terrarum: In hoc ipsum excitavi te, ut ostendam in te potentiam meam, & ut annuncietur nomen meum in tota terra, Ro. ix. Sic nunc dicit Christus ad Pharaonem suum, ad hostem suum, ad Antichristum suum: In hoc ipsum excitavi te, ut ostendam in te potentiam meam, & ut annuncietur nomen meum in tota terra. Hac enim est uerbi & nominis Christi illustratio & clarificatio, uictoria & triumphus magnus & aeternus, ut aboleat potentia uerbi sui Pharaonem illum hostem & aduersarium suum. Oportet enim Christum filium dei aboleri omnem principatum & omnem potestatem ac uirtutem. Et regnare donec posuerit omnes inimicos sub pedes suos, I. Corinth. XV.

Quod elargiatur ac concedat tandem is, qui operatur omnia, potentia uerbi sui, per Christum dominum nostrum.

Ex Colonia Agripp.

XXXI. Maij. M. D. XL.